

春秋左傳釋人

春秋左傳釋人卷四

河內范照藜乙青集

諸小國世次

小國之君見於經傳者四十七國先姬姓後異姓各
以見經傳先後爲次第焉

祭

姬姓伯爵周公之後爲王朝卿士故亦稱公見經傳
者三人世次無考

祭伯 隱元年來魯

祭公 桓八年來魯並逆王后於紀

祭叔 莊二十三年聘魯

號

姬姓公爵王季次子號仲封於西號見傳者四人世
次無考僖五年晉獻公滅之

號公 名忌父隱八年爲王卿士

號公 名林父一稱號仲當是忌父子亦爲王卿士桓五年
從王伐鄭八年王命之立晉侯九年與芮伯梁伯荀
侯賈伯伐曲沃十年譖其大夫詹父不勝出奔虞

號公 一稱號叔莊十六年惠王使立曲沃武公爲晉侯十

八年與晉朝王賜之玉馬二十一年與鄭伯同納王

虢公

名醜僖五年晉滅虢醜奔京師而國亡矣 此人未知是納王者否傳無明文故再列之

凡

姬姓伯爵周公之後爲王卿士見經傳者一人

凡伯

隱七年王使聘魯還戎伐之於楚邱以歸

息

姬姓侯爵見傳者二人莊十四年楚滅之

息侯

隱十一年伐鄭大敗而還

息侯

莊十年怒蔡侯不敬其妻教楚伐蔡執蔡侯以歸已而蔡侯言其妻美楚文遂滅息取其妻息嬀

芮

姬姓伯爵見傳者一人

芮伯

名萬桓三年其母惡其多寵人逐之奔魏四年秦圍魏執之以歸十年納而復之

隨

姬姓侯爵自桓八年後世服於楚不與中夏會盟定四年吳入郢楚昭奔隨隨救之既而楚昭復國憾其德使列於諸侯入春秋二百年見經傳者二人

隨侯

桓六年聽少師言欲追楚師季梁諫而止八年寵少師卒爲楚所敗由是世服於楚矣

隨侯

哀元年從楚國蔡見經

荀

姬姓侯爵見傳者一人

荀侯

桓九年從號仲伐曲沃

賈

姬姓伯爵見傳者一人

賈伯

桓九年從號仲伐曲沃

巴

姬姓子爵見傳者一人

巴子

桓九年使人於楚 其後文十六年從楚滅庸稱人

哀十八年伐楚罔郢亦稱人傳無明文故不再列

虔

姬姓公魯武王克商求大伯仲雍之後時仲雍曾孫
周章已君吳因而封之別封周章弟仲於故夏之墟
十二世入春秋見傳二人世次無考爲晉獻公所滅
桓十年因貪欲無厭其弟伐之奔共池

虞公

僖二年貪晉貨假之道以伐號五年復假之道晉滅
號歸襲而滅之執虞公以去

滑

姬姓伯爵見經者一人僖三十三年秦滅之

滑伯

莊十六年從齊桓公同盟于幽

邢

姬姓侯爵周公之後見經者一人僖二十五年衛文

公滅之

邢侯

僖十六年從齊桓公會于淮 閔僖已來狄屢伐邢

經傳書救邢遷邢城邢者不一而其君僅此一見焉

郕

姬姓子爵文王子聃季之弟所封見經者一人

郕子

僖二十年朝魯

原

姬姓伯爵文王之後爲王卿士

原伯

名貫僖二十五年襄王以原子晉文公晉遷之於冀
後歸於周今祇列此一人其餘俱載周卿士

郕

姬姓伯爵文王之後見傳者一人

郕伯

文十二年卒 其子朱儒奔魯究非郕君故祇列此
人而載朱儒於小國臣考所以徵寔而傳信也

北燕

姬姓伯爵武王封召公奭於薊爲北燕春秋時不與
夏盟見經傳者二人

北燕伯襄二十八年朝於晉

簡公 名欵昭三年奔齊十二年齊納之於陽 此君未知

是朝晉者否故兩列之

宿

風姓男爵見經者一人

宿男

隱八年經書卒 隱元年魯宋盟於宿宿君與盟傳

無明文杜云卽是八年書卒者

州

姜姓公爵見經傳者一人

州公

桓五年如曹六年自曹適魯傳稱淳于公

紀

姜姓侯爵見經傳者當是一人莊四年齊襄公滅之

紀侯

桓六年與魯會冬復朝魯

紀侯

莊四年大去其國

穀

嬴姓伯爵見經傳者一人

穀伯

名穀桓七年朝魯

鄧

曼姓侯爵見經傳者當是二人莊十六年楚文滅之

鄧侯

名吾離桓七年朝魯

邠侯

莊六年三甥請殺楚文不聽其言十年後卒滅於楚

梁

嬴姓伯爵見傳者二人僖十九年秦穆公滅之

梁伯

桓九年從虢仲伐曲沃

梁伯

好土功而不修政僖十九年滅於秦以女妻晉惠

公者亦當是此人

譚

子姓子爵見傳者一人莊十年齊桓公滅之

譚子

莊十年國滅奔莒

溫

蘇姓子晉周司寇蘇子之後爲王卿士僖十年狄滅之其後仕於王朝見經傳者三人

蘇子

莊十九年奉王子頹奔衛

蘇子

僖十年國滅奔衛經稱溫子

蘇子

文十年與魯盟女栗

南燕

姑姓伯魯見傳者一人

仲父

莊十九年黨王子頹伐周二十年爲鄭所執

蕭

子姓本采邑大心滅賊有功桓公封爲附庸之國宣

十二年爲楚所滅宋復封之見經傳者二人

蕭叔

名大心莊十二年定亂立桓公公封之蕭二十三年

朝魯侯於穀

蕭同叔其女嫁齊惠公爲頃公母見成二年

弦

隗姓子爵見經傳者一人僖五年楚成滅之

弦子

恃姻婭而不能事大國滅奔黃

鄆

姒姓子爵見經傳者二人襄六年莒滅之

鄆子

僖十四年朝魯十九年宋襄公使邾殺之

郇子 宣十八年邾人戕之

須句

風姓子爵僖二十一年邾滅之魯僖公復封其國遂
爲魯附庸見傳者一人

須句子僖二十一年國滅齊魯明年魯封其國而反之

頓

子爵近楚小國見經傳者三人定十四年楚昭滅之

頓子 僖二十五年楚人納之

頓子 昭四年從楚靈會於申

頓子 名牂定四年會召陵侵楚十四年楚滅之以歸

夔

夔姓子爵與楚同宗見經傳者一人僖二十六年楚

成滅之

夢子

不祀其先楚滅之以歸

麋

祈姓子爵見傳者一人

麇子

文十年不從楚會厥貉明年楚伐之

舒

偃姓子爵一名舒蓼見傳者一人宣八年楚莊滅之

案僖三年徐人取舒取非滅也宣八年楚滅舒蓼

卽是滅舒杜注云二國名大謬文五年蓼與六已同
滅何得又有一蓼耶補正以爲別是一國亦悞

舒子

名平文十二年見執於楚

宗

子爵見傳者一人

宗子

文十二年見執於楚

邲

子爵見傳者一人

邲子

楚鬬伯比通於邲子之女生子文見宣四年

唐

侯爵近楚小國見傳者二人定五年楚昭滅之

惠侯

宣十二年從楚敗晉於郟

成公

楚囊瓦食其馬留之三年定四年從吳伐楚入郢明

年楚滅之

黎

侯爵初爲赤狄潞氏所滅宣十五年晉滅潞復封之

見傳者一人

黎侯

晉重立之後不復見

萊

姜姓子爵見傳者一人襄六年齊靈公滅之

其公 名逯 萊國滅奔棠

鄭

羸姓子爵見經傳者三人

鄭子 襄七年始朝於魯

鄭子 昭十七年朝魯叔孫昭子問官孔子從之學焉

鄭子 哀十年從魯伐吳

偃陽

妖姓子爵見傳者一人襄十年晉悼公滅之

偃陽子 晉滅其國以其君歸

舒鳩

偃姓子晉羣舒之一見傳者一人襄二十五年楚康

滅之

舒鳩子襄二十四年叛楚卽吳楚伐之逆楚師而受盟明年

又叛楚楚滅之

沈

嬴姓子爵見經傳者五人定四年蔡昭侯滅之

沈子名揖成六年晉侵沈獲之見八年

沈子襄二十八年朝晉

沈子昭四年從楚靈會申

沈子名逞昭二十三年從楚救州來爲吳所殺

沈子 名嘉定四年國滅被殺

胡

姬姓子爵舜之後見經傳者四人定十五年楚昭滅之

胡子 襄二十八年朝晉

胡子 昭四年從楚靈會申

胡子 名晃昭二十三年從楚救州來爲吳所殺

胡子 名豹定十五年楚滅之以歸

賴

子爵見傳者一人昭四年楚靈滅之

賴子

楚滅賴而縛賴以迎楚遷之於郢

案賴國見傳

最早而其君至是始一見

徐

羸姓子爵莊僖之世屢列經傳而不見其君昭公時
見經傳者三人三十年吳闔廬滅之

徐子

昭四年從楚靈會中被執

徐子

昭十六年齊景公伐徐徐子及鄭人莒人會齊侯盟

于蒲隧賂以甲父之鼎 案此人未知是會中者否

故再列之

徐子

名章禹國滅攜其夫人奔楚

郕

姬姓子爵禹之後見傳者一人昭十八年郕滅之

郕子 郕入郕俘其妻女以歸郕子從之

鍾吾

子爵見傳者一人

鍾吾子昭三十年見執於吳

戎狄蠻夷君長考

蓋自犬戎偪周京弑幽王周轍以東入春秋而害未已也春秋時戎狄之患爲首而蠻夷次之戎之患始於伐凡伯浸淫至於犯京師焚王城而諸侯方平之不暇狄之患始於伐邢國猖獗至於入衛滅溫而中夏幾救之無方以晉之強也有與爲昏姻而事之者矣乃擾而敵之者歷十餘世迨漸事鯨吞而與國已皆叛以楚之橫也有世有盟誓而服之者矣乃畔而攻之者經百餘年迨徐爲蠶食而強隣且代興其從事會盟侵伐也竟與春秋相終始焉然經傳所載四

十餘種或微而地之者有之或賤而人之者有之其
君長名次往往不能詳今取其可考者十一國依其
見傳前後次第之以著於篇

驪戎

姬姓男爵

驪戎男晉獻公五年伐之其君納女於晉以求成是爲驪姬
見莊二十八年

白狄

子爵 案白狄朝魯朝晉伐晉伐秦屢見經傳而其
君可考者祇一人

白狄子僖三十三年爲晉卻缺所獲

介

東夷小國

介葛盧介君名僖二十九年兩朝魯知牛鳴

長狄鄭瞞

漆姓白狄別種

僑如 鄭瞞君名文十一年伐魯叔孫莊叔獲而殺之 案

襄三十年傳狄伐魯叔孫莊叔敗狄於鹹獲長狄僑如及虺也豹也而皆以名其子今魯叔孫氏中於宣伯穆叔外補出虺名以足莊叔諸子之文獲狄傳文

本無虺豹二人故不列入附記於此

緣斯

僂如先人宋武公時獲之事在春秋前

榮如

焚如弟桓十六年齊獲之

簡如

榮如弟桓十六年衛獲之

焚如

僂如弟榮如兄宣十五年晉獲之 已上並見文十

一年

赤狄潞氏

隗姓子爵宣十五年晉滅之

潞子

名嬰兒其臣鄆舒傷其目並殺其夫人晉伐潞討鄆

舒殺之遂滅潞執之以歸

無終

子爵山戎國名

無終子名嘉父襄四年使孟樂如晉請和諸戎

姜戎

姜姓子爵四嶽之後

吾離

戎君名秦逐之奔晉惠公賜以南鄙之田世服於晉

見襄十四年

戎子

名駒支吾離之後襄十四年晉卿欲執之以其有辭
乃謝而舍之

肥

子爵白狄別種昭十二年晉滅之

肥子

名餘皐國滅晉執之以歸

鼓

祈姓子爵白狄別種昭二十二年晉滅之

鼓子

名載鞮昭十五年晉荀吳克鼓執之以歸既而反之

又叛晉二十二年荀吳復襲而滅之

陸渾之戎

允姓子爵僖二十二年秦晉遷之伊川宣三年楚伐

之服於楚昭十七年晉滅之

陸渾子昭十七年國滅齊楚

戎蠻

子爵南蠻之一種也哀四年楚滅之

戎蠻子名嘉昭十六年楚人誘而殺之復立其子

戎蠻子名赤哀四年楚伐之赤奔晉晉人執之歸於楚楚盡

俘其民而國亡矣

春秋左傳列國爵姓考

爵姓具者五十二國

姬姓二十四國

魯
侯爵

虞
公爵

號
公爵

祭
公爵

蔡
侯爵

衛
侯爵

滕
侯爵

晉
侯爵

息
侯爵

隨
侯爵

荀
侯爵

賈
侯爵

邴
侯爵

曹
伯爵

燕伯爵

芮伯爵

凡伯爵

原伯爵

潞伯爵

邲伯爵

鄭伯爵

吳子爵

巴子爵

郛子爵

異姓二十八國

宋子姓公爵

州姜姓公爵

陳媽姓侯爵

齊姜姓侯爵

鄧曼姓侯爵

紀姜姓侯爵

薛任姓侯爵

杞姬姓伯爵

南燕 結姓伯爵

梁 蘇姓伯爵

秦 蘇姓伯爵

溫 蘇姓子爵

楚 辛姓子爵

莒 已姓子爵

邾 曹姓子爵

小邾 曹姓子爵

越 姒姓子爵

徐 贏姓子爵

郕 姒姓子爵

夔 辛姓子爵

萊 姜姓子爵

郟 贏姓子爵

胡 歸姓子爵

郕 姒姓子爵

偃陽 姒姓子爵

舒鳩 偃姓子爵

許 姜姓男爵

宿 風姓男爵

有姓無爵者二十八國

姬姓二十國

魏

耿

霍

管

毛

聃

雍

畢
或公爵

鄆

郇

邢
或子爵

應

韓
或侯爵

蔣

茅

胙

樊

東號

焦

揚

異姓八國

申
姜姓

向
姜姓

密
姑姓

黃
贏姓

羅
熊姓

夷
姁姓

任
風姓

戴
子姓

有爵無姓者十三國

唐
侯爵

黎
侯爵

穀
伯爵

杜
伯爵或祁姓

古今通纂卷之八

弦 子爵或隗姓

頓 子爵

沈 子爵或麻姓

譚 子爵或子姓

宗 子爵

邳 子爵

賴 子爵

麋 子爵

鍾吾 子爵

爵姓皆亡者三十國

江 或麻姓

邶

權 或偃姓

道

柏

貳

軫

絞

六
或假姓

蓼
或假姓

遂
或嬌姓

崇

項
或姑姓

冀

厲

巢

庸

姒

邾

陽

共

鑄

盧

毫

房

桐

邾

英氏

不羹

於餘邱

附庸八國

極

卒

蕭
或子姓

鄆

葛
贏姓

顓臾
風姓

須句
風姓子爵

鄆

戎狄蠻夷四十六種

戎九種

北戎

雒戎

陸渾戎
允姓子爵

姜戎
姜姓

西戎

狐戎 姬姓

驪戎

姬姓男爵

茅戎

戎州

已姓

戎別種十種

山戎

無終 子爵皆北戎

揚拒

泉臯

伊維

皆維戎

允姓戎

陰戎

九州戎

皆陸渾

犬戎

西戎別種

徐吾氏

茅戎別種

狄二種

赤狄

白狄子爵

赤狄別種六種

皋落氏

唐咎如隗姓

潞氏隗姓子爵

甲氏

留吁

鐸辰

白狄別種四種

長狄鄭瞞潞姓

肥子爵

鼓子爵或所姓

鮮虞即中山

蠻四種

盧戎

百濮

蠻氏 卽戎蠻

羣蠻

夷十種

淮夷

介

蒲姑

商奄

肅慎

根牟

蓐收

夷虎

舒 偃姓子爵卽舒蓼

舒庸 與舒鳩稱羣舒

春秋左傳滅亡諸國考

魯滅二國

項
僖十七年

根牟
宣十九年

吳滅二國

巢
昭二十四年

徐
昭三十年

蔡滅一國

沈
定四年

衛滅一國

邢
僖二十五年

晉滅十六國

耿

霍

魏

皆閔元年

號

成

皆僖五年

焦

揚

韓

見襄二十九年 已上三國被滅皆當在僖時

赤狄潞氏

宣十五年

赤狄甲氏

留吁

鐸辰

皆宣十六年

偪陽

襄十年

肥

昭十二年

陸渾之戎

昭十七年

鼓

昭二十二年

鄭滅一國

許定六年

楚復封之

宋滅二國

宿 莊十年

曹 哀八年

齊滅六國

紀 莊四年

譚 莊七年

遂 莊十三年

鄆 莊三十年

陽 閔二年

萊 襄六年

楚滅二十二國

權 當在桓時

申 當在滅息前

息 莊十四年

鄧 莊十六年

弦 僖五年

黃 僖十二年

魏 位二十六年

江 文四年

六

蓼 皆文五年

庸 文十六年

舒蓼 宣八年

蕭 宣十二年宋復封之

舒庸 成十七年

舒鳩 襄二十五年

賴 昭四年

陳 昭八年 昭十三年楚平復封之

蔡 昭十一年 昭十三年楚平復封之

唐 定四年

頓 定十四年

胡 定十五年

戎蠻 哀四年

秦滅二國

梁 僖十九年

滑 僖三十三年

莒滅一國

邾 襄六年

邾滅二國

須句 僖二十一年

郕 昭十八年

越滅一國

吳 哀二十二年

狄滅三國

衛 閔二年 是年重立

溫 僖十年

黎 宣初年 宣十五年晉復封之

已上共滅六十二國

滅而自立者一曰衛

滅而復封者五曰蕭黎陳蔡許

封而又滅者一曰陳

春秋左傳釋人卷五

河內范照蔡乙青卷

王朝臣考

王族

王子狐平王子爲質於鄭見隱三年

王子克字子儀桓王庶子莊王弟周公黑肩欲弑莊王而立之王殺周公克奔燕見桓十八年

王子頹莊王嬖妾王姚所生莊十九年爲國等作亂立之惠王出居于鄭二十一年鄭虢納王殺子頹

王子帶襄王母弟惠后次子一稱大叔帶一稱甘昭公召戎

伐京師僖十二年襄王逐之奔齊二十二年富辰言
而復之又通於王后隗氏二十四年頽叔桃子立之
襄王出居於鄭明年晉文公納王殺子帶

王子黨僖十年與周公忌父同立晉惠公

王孫滿僖三十三年斷秦敗師宣三年拒楚問鼎明於料事
善於詞令誠王族之賢者也

王孫蘇文十四年與周公闕爭政宣十五年又與召氏毛氏
爭政使王子捷殺召戴公張毛伯徹十六年奔晉晉
人復之 案曙峯陳氏世族譜謂此人卽王叔桓公

大謬

王子提經稱王札子宣十五年爲王孫蘇殺召毛二卿

王子侯美靈王庶子僭括欲立之爲諸卿所殺

王子瑕與廖皆佞夫黨從僭括皆奔晉

廖 此人亦當是王子故錄於此 三人皆見襄三十年

王孫沒昭十二年與宮嬖綽等俱爲甘氏之族所殺

太子壽景王世子昭十五年卒

王子朝景王長庶子昭二十二年景王崩與靈景之族作亂

敬王出居狄泉尹氏立之號爲西王二十六年晉師

納王尹氏召伯毛伯等奉之奔楚定五年王人於楚

殺之 案王朝自莊王訖敬王一百七十餘年王子

之禍凡六人札子趨奉王孫一朝而尸二卿其克已
其然止於專殺而已子儀佞夫雖權臣有廢立之心
而謀洩黨誅或奔或戮亂階未成子頽子帶乘羣小
之氛奸天王之位一則徧舞宮懸一則上烝王后遂
使天子蒙塵冠履倒置罪莫大焉然卿士大臣不聞
擁戴一二年間諸侯討而戮之乘輿歸王室靖矣獨
王子朝族挾靈景助得尹毛公然僭立五年之久而
王號有東西之稱亂長惡極實從來未有之事也推
其致亂之由皆緣先王過寵嬖子匹嫡卒至蕭牆禍
起骨肉相殘周室之日衰其亦不可救藥也夫

王子還

姑

發

弱

醜

延

定

稠

已上八人皆靈景之族黨於子朝俱爲單子所殺

王子處子猛黨單子使守王城 已上皆見昭二十二年

季子趙車子朝餘黨昭二十九年據鄆以叛

周公

周地名姬公旦采邑也公少子留相王室世爲三公
仍周公之號案路史云周平王子秀封於汝川爲
周公其說荒誕不經斷不可從

周桓公名黑肩隱六年諫桓王不禮鄭伯桓五年從王伐鄭
後欲弑莊王立王子克桓十八年爲王所殺

忌父或云桓公子莊十六年避爲國之亂奔號惠王復之

僖十年與王子黨會齊臣立晉惠公二十四年子帶
之亂爲狄人所獲見傳者四十三年矣

宰孔僖五年惠王使召鄭伯九年會諸侯於葵邱經稱宰

周公 案是時已有周公忌父矣不應宰孔亦是周公豈孔卽忌父異名耶抑同時有兩周公耶

閔

僖三十年聘魯經稱宰周公文十四年與王孫蘇爭政匡王使尹氏訟之於晉 世族譜謂卽宰孔非

楚

成十一年與伯與爭政不勝奔晉自是王室無周公矣

召公

召地名康公奭采邑也其次子留相王室爲亞卿春秋時猶稱舊爵一稱召伯或以爲文王子邵伯之後非也

召伯廖莊二十七年惠王使之賜齊桓公命

召武公僖十一年襄王使之賜晉惠公命 或云卽廖存泰

召昭公文五年襄王使之會魯成風葬經稱召伯 或云武

公子

召桓公宣六年爲定王逆后於齊成八年簡王使之賜魯成

公命經稱召伯

召戴公宣十五年爲王札子所殺經稱召伯 案此人與桓

公同時是一時有兩召公矣或云桓公弟

召襄 戴公子父被殺國人立之

召莊公名與一稱召伯與昭二十二年助王子朝作亂

召簡公名盈一稱召伯盈莊公子昭二十四年嗣父爲卿初
助亂人繼乃叛而逐之二十六年逆敬王入國其族
入盡從子朝奔楚二十九年卒爲周人所殺召氏由
是遂亡

毛氏

姬姓伯爵毛其采邑也文王子毛叔鄭之後爲王卿
士世次無考

毛伯 僖二十四年子帶之亂與周公忌父等皆爲狄獲

毛伯衛文元年襄王使之如魯錫命九年求金於魯宣十五
年王札子殺之

毛伯過昭十八年爲族人毛得所殺

毛伯得一稱毛得殺過而代其位黨惡子朝從之奔楚而族亡矣

原氏

姬姓伯爵文王子原伯之後襄王以原賜晉文公其子孫別遷仍爲王室大夫以原爲氏

原莊公一稱原伯莊十八年爲惠王逆后於陳二十一年譏鄭厲公效尤有咎

原伯 僖二十四年子帶之亂爲狄所獲 案此人名諡無考被獲生死傳無明文故與原伯貫兩載之陳氏世

族譜以爲卽莊公亦非

原伯貫傳二十五年襄王以原賜晉文公晉遷貫於冀其後
仍爲王卿士而原則屬之晉矣

原襄公宣十六年晉士會平王室爲王相禮

原伯綏昭十二年與臣因其暴虐逐之奔郊立其弟

公子脆尋綏弟

原伯魯昭十八年會葬於曹閔子馬因其不說學斷其無後
其子果於二十九年被殺

魯之子傳不載其名

原壽過定元年諸侯城成周晉魏舒屬之役

成氏

姬雋伯爵文王子邲叔武之後文十二年邲伯卒大
子奔晉邲別立君其後仕於周以成爲氏

成肅公成十三年同劉康公會諸侯伐秦卒於瑕

成簡公昭七年如衛弔喪

成桓公定八年會晉士鞅侵鄭

單氏

姬姓伯爵成王封劬子臻於單子孫爲王卿士以單

爲氏襄公後始可考

單伯 莊元年送王姬於齊十四年會諸侯伐宋又會于鄭

單伯 文十四年如齊請子叔姬被執明年釋之守節不移
終達王命使叔姬得歸魯可謂賢矣 案此人上距
莊十四年已六十餘年名諡雖不傳當非一人故再
列之

單襄公或曰名朝單伯孫成元年如晉拜成十七年同尹子
會諸侯伐鄭

單頃公襄公子襄三年會諸侯盟於雞澤

單靖公頃公子襄十年代王叔陳生爲卿十五年爲靈王
逆后於齊

單獻公靖公子昭七年襄頃之族因其棄親用羈殺之而立

其弟

單成公獻公弟昭十一年會晉韓起於戚視下言徐叔向諭其將死是冬卒

單穆公名旗成公子昭二十二年王子朝作亂公與劉子并力輔悼王悼王卒又立敬王佐之避居狄泉卒以晉師納敬王而逐子朝王室危而復安皆單劉二公之力不媿王族大臣也

單武公穆公子定六年僭闢作亂敬王遷居姑蘧七年公與劉子敗尹氏共逆王歸再造王室穆公克冢子也

單平公武公子哀十三年會諸侯於黃池

孚愆期一稱成愆爲邑大夫爲靈王御士預知僭括將亂勸靈王殺之王不聽及王崩括果作亂恨愆期圍焉逐之見襄三十年案左緒謂愆期卽成愆世族譜亦謂是一人今從之

單蔑

襄三十年助尹言多等殺王子佞夫案愆期與蔑皆是單族故列於獻公之後

王叔氏

出自僖王

王叔文公名虎一稱王子虎僖王子僖二十八年晉文公敗楚於成濮襄王使之立晉侯爲侯伯盟諸侯於王庭二

十九年會諸侯大夫於翟泉文三年卒

王叔桓公文公子文三年與晉陽處父伐楚救江宣七年臨黑

壤之盟

王叔陳生桓公子襄五年王使愬戎於晉以有二心爲晉所執

十年與伯輿爭政不勝奔晉而族亡矣

甘氏

甘地名大叔帶采邑也帶作亂被殺其後子孫仍爲

王室卿士以甘爲氏世次無考迨至桓公黨惡子朝

而族衰矣

甘昭公卽王子帶詳見前註

甘歆

文十七年敗戎於邠垂

成公

昭十二年傳有成景之族句爲簡公先人世次無考

景公

甘簡公無子立其弟過見昭十二年 或云卽甘大夫襄存

祭

甘悼公名過簡公弟襄三十年與尹言多等殺王子侯夫後

從去成景之族昭十二年族人殺之

甘平公名緡成公孫昭十二年族人立之二十二年助悼王

爲子朝所敗

甘桓公平公子昭二十四年背父助子朝子朝敗其族遂微

廿大夫襄昭九年與晉周嘉爭田王執之以說晉

劉氏

劉地名王季子食采於此遂以爲氏

劉康公經稱王季子頃王子定王母弟宣十年聘魯十五年
因趙同獻俘不敬論其有咎成十三年會諸侯伐秦
成肅公不敬論其棄命後皆如其言見微知著賢大
夫也

劉定公名夏康公子襄十五年爲靈王逆后於齊時爲官師
昭元年勞晉趙孟論其不復年

劉獻公名摯定公子昭十三年會諸侯於平邱二十二年卒

獻太子名不傳見昭十二年 案此人當是蚤死故單穆公

立劉蚘

劉文公名卷一名狄字伯蚘獻公庶子單穆公立之子朝之
亂與穆公共輔敬王以安王室誠無媿社稷之臣定
四年會十八國諸侯於召陵侵楚而卒

劉桓公文公子定六年與單武公平僖駟之亂納王亦文公
之肖子也

劉毅 襄三十年與尹言多等同殺王子佞夫

劉州鳩 甘過黨昭十二年與瑕辛等皆爲甘族所殺

劉佗 文公族昭二十三年爲尹圉所殺

左傳卷八
九三
僖氏

出自簡王

王僭季簡王子靈王弟見昭十二年

僖括

季子欲立王子佞夫佞夫被殺括與王子瑕等奔晉

見昭十二年

僖翩

或云括子王子朝黨定六年作亂敬王遷居姑莸七年翩拒儀栗以叛八年單武公劉桓公伐而平之以

定王室

樊氏

仲雍曾孫虞仲之後虞仲諸孫食邑於樊以樊爲氏

裔孫樊侯仲山甫爲宣王卿士子孫世仕於周

樊皮

一稱樊仲皮莊二十九年叛王王使虢公執之

樊頃子名齊皮之後子朝作亂從單劉二公助敬王見昭二

十二年

尹氏

出自尹吉甫之後世爲王室卿士隱五年見傳稱尹氏僖二十八年命晉侯爲伯文十四年訟周公於晉皆稱尹氏武公以下名諡始可考至尹圉黨惡立王子朝天下惡之其後奉子朝奔楚而吉甫不祀矣

尹武公世次無考成十七年會諸侯伐鄭經稱尹子

尹言多襄三十年與劉穀單蔑等共殺王子侯夫

尹文公名圉昭二十二年助子朝作亂明年立子朝稱西王

二十六年晉師納敬王圉以子朝奔楚而族亡矣

尹辛

尹氏族黨子朝屢敗王師見昭二十二年

尹固

一稱尹氏固非尹圉也世族譜合爲一人誤從子朝

奔楚中道而還昭二十九年周人殺之

詹氏

已下諸族皆未詳所出

詹父

本號大夫仕於王見桓十年後惠王奪其田莊十九

年與莒國等作亂立子頹二十一年爲鄭虢所殺

詹桓公昭九年景王使之責晉

富氏

富辰 僖二十二年勸襄王召子帶又諫王納狄女伐鄭王
不聽其言卒致狄人之亂二十四年爲狄所獲

富辛

辰之後昭三十二年敬王使與石張如晉請城成周
陳氏世族譜云辰子大謬距辰被獲時已百二十
餘年矣

陰氏

陰里

襄十二年爲靈王納昏於齊

陰忌

昭十二年與瑕辛等俱爲甘族所殺

陰不佞子朝作亂隨單劉二公助王屢敗子朝之黨後得賓
珪獻於王王與之東嘗見昭二十四年

陰忌 子朝黨同前人名昭二十六年奔莒以叛

鞏氏

鞏成 襄三十年與尹言多等共殺王子佞夫

鞏簡公王子猛黨昭二十二年與子朝戰敗績定二年爲其
羣子弟所殺其子弟名不傳故不另列

賓氏

賓滑 昭九年王使之執甘大夫

賓起 卽賓孟子朝黨欲立子朝昭二十二年景王崩單劉

二公殺之

鄆氏

鄆貜 子朝黨昭二十二年單劉獲而焚之

鄆羅 貜子昭二十三年尹氏立子朝羅納諸莊宮

南宮氏

南宮極子朝黨昭二十三年地震屋壓而死

南宮歸極子昭二十六年從子朝奔楚

石氏

石速 膳夫莊十九年從為國等作亂

石張 昭三十二年同富辛如晉

右何 定十四年歸服於魯

宰

宰官名人非一族類聚之以便閱者 凡以官名列
者皆仿此

宰恒 隱元年平王使歸魯惠公仲子之聞

宰渠伯糾渠氏伯糾名桓四年聘魯

內史

內史官名非姓氏也昭峯陳氏世族譜謂以叔爲氏
者誤

內史 名不傳桓二年賁魯賊孫

內史過莊三十二年論享神並論號將亡僖十一年襄王使
召武公與之同賜晉惠公命

內史叔與一稱叔與父僖十六年聘宋二十八年襄王使尹氏
王子虎與之策命晉文公爲侯伯

內史叔服文元年襄王使之會葬於魯爲公孫放相其二子

世族譜列此人於叔與前謬

史狫襄十年靈王殺之以說王叔陳生

諸卿士大夫

武氏子名不傳大夫之嗣隱三年賻於魯

南季南氏季字隱九年聘魯

仍叔之子仍氏叔字周大夫其子代之從政名不傳桓五年聘

魯案宣王時作雲漢之詩者名仍叔或其先人耶

家父

家氏父字桓八年聘魯十五年求車於魯案節南

山詩爲家父刺幽王作此人距幽王崩時已七十五

年自非一人古人字或累世同之如晉趙氏世稱孟

知氏世稱伯也

辛伯

桓十八年與莊王謀殺周公黑肩

榮叔

莊元年如魯錫桓公命

天子突子突王人字王之微官也莊六年救衛

夷說諸夷采地說諸名莊十六年爲菑國所殺

為國 一稱子國王子頹師莊十六年殺夷詭諸已不法矣

後因惠王奪其圃遂與邊伯等作亂

邊伯

王取其宮

子禽

祝跪

已上二人王奪其田 已上四人與詹父皆於莊十

九年立子頹逐王二十二年皆為鄭虢所殺

伯服

僖二十四年襄王使與游孫伯如鄭請滑鄭皆執之

游孫伯

頹叔

僖二十四年與桃子以狄師伐王立大叔帶王出居

於鄭明年晉文公納王殺帶二人當亦伏誅惜乎傳

無明文也 世族譜合二人爲一人謬甚

桃子

簡師父襄王使告難於晉

左鄆父襄王使告難於秦 二人皆見僖二十四年

看葛 陽樊大夫不服晉人見僖二十五年

榮叔 文五年襄王使如魯歸舍且賜 案此人距莊元年

已七十二年與錫命者自非一人故兩載之

則啓 文十四年匡王使訟周公於晉

子服 宣六年定王使求后於齊

伯與 成十一年周公楚與之爭政襄十年王叔陳生又與

之爭政

甚宏

一稱甚叔昭十一年對景王問諸侯吉凶定元年晉

女叔寬論其違天有禍哀三年晉趙鞅逼周人殺之

庾皮

見昭十二年因其子及之

過

皮之子劉獻公太子之傅昭十二年爲甘族所殺

瑕辛

宮嬖綽

老陽子已上三人皆甘過黨昭十二年俱爲甘族所殺

洽州鳩洽樂官州鳩名昭二十一年論景王鑄鍾

榮錡氏景王崩於其家

左傳卷三
卷三
三
紽荒 王子還殺之

司徒醜以王師收績

子旅氏敬王卽位館於其家 已上四人皆見昭二十二年

楚齊 同單劉二子以敬王如劉見昭二十三年

赭氏 昭二十六年劉子以敬王出宿於其家

瑕氏 姑稽大夫定七年單劉二子逆敬王於其家

公族黨氏定七年敬王返國館於其家

小臣

王叔之宰王叔陳生家臣

瑕禽 伯與屬官 二人俱見襄十年

諸侯臣考一

魯臣考

公族

季益師字眾父孝公子隱元年卒

公子豫隱元年私與邾鄭盟

公子翬字羽父隱四年會諸侯之師伐鄭爲魯大夫專將之

十一年勸隱公殺桓公不聽遂與桓公謀弑隱公

公族中第一賊臣也桓三年如齊爲桓公逆文姜

公子彌字子臧孝公子隱公叔父一稱僖伯隱五年諫觀魚

不聽是年卒其後以臧爲氏稱臧孫氏

公子達桓十七年論鄭高渠彌弑君

公子慶父一稱共仲又稱仲慶父桓公長庶子莊公庶兄伐於餘邱見莊二年莊公卒弑太子般立閔公已而通於哀姜閔二年弑公奔莒僖公立以賂求之於莒及密懼罪自縊公不忍絕其後復立其子是爲孟孫氏

公子偃莊十年敗宋師

公子結莊十九年媵陳人之婦

公子牙一稱僖叔又稱叔牙共仲同母弟亦桓公庶子也莊公疾問後於牙牙欲立共仲成季酖之已而復立其子是爲叔孫氏

公子友一稱成季又稱季友又稱季子桓公子莊公同母弟也莊二十五年如陳莊公卒立子般共仲弑之友奔陳閔公立請於齊而復之及共仲弑閔公友以僖公適邾共仲奔莒友入魯立僖公以定社稷僖元年賜以汶陽之田及費十六年卒其孫行父嗣位爲卿是爲季孫氏子孫遂世執魯政矣

子般

莊公太子孟任所生莊公卒成季立之爲共仲所弑

公子魚字奚斯閔二年爲共仲請死

公子遂一稱襄仲又稱仲遂莊公子僖二十六年如楚見經

傳文公卒遂弑太子惡及公子視立宣公而專國政

宣八年卒於垂居東門故稱東門襄仲又稱東門遂
是爲東門氏

公子買字子叢僖二十八年使之戍衛旣而懼晉殺之

惡 文公太子出姜所生文公卒與其弟視皆爲襄仲所

殺

視

公弟叔肸名叔字宣公同母弟恥宣公篡立故不仕宣十七
年卒其子立爲卿後爲叔氏

公衡 一稱衡父成公子成二年爲質於楚旣而逃歸

公子偃成公母弟成十六年與叔孫僑如同謀爲公所殺

案此又是一人非莊十年見傳者

公子鉏亦成公弟見成十六年

子野 襄公太子敬歸所生襄公卒以過哀死

公子慙字子仲昭十二年與南蒯等謀去季氏不克出奔齊
案此人當是襄公子

公爲 名務人一稱公叔務人昭公庶子昭二十五年與公
謀逐季氏不克從公出亡公卒歸國哀十一年死於
郊之戰

公果 與公賁皆昭公庶子公爲弟見昭二十五年

公賁

公衍 昭公太子昭二十九年見傳季平子出其父故不得

立

公子蒯哀公庶子嬖人所生哀二十四年立爲太子諸卿惡之卒不得立

臧孫氏

公子彊字子臧其孫以王父字爲氏故稱臧孫氏

臧僖伯詳見前註

臧哀伯名遄僖伯子桓二年練納鼎

臧文仲名辰哀伯孫其父伯氏餅早卒嗣祖爲卿莊十一年

論宋興僖二十一年諫焚巫尪二十二年諫公禦邦

不設備三十一年如晉分曹地文二年聽夏父弗忌
逆祀躋僖公十年卒 案文仲自莊十一年見傳至
文十年卒共歷六十七年 案傳文列邦中凡祖父
在卿位其子孫無敢妄論國事者成十六年晉范文
子逐范勾襄八年鄭子國怒子產其明徵也莊十一
年傳文仲之祖臧孫達尙在不應文仲有論宋語或
謂臧孫達是臧孫辰之誤細繹傳文旣而聞之云云
前論宋宜典後論祭說宜爲君口吻當是一人之詞
附記於此以質善讀左氏傳者 文仲卿位最久賢
名最著叔孫穆子稱其言立不朽當時列邦久相推

尊曰孔子議其竊位斷其不仁不知而文仲之論定
矣

臧宣叔名許文仲子宣十八年與季文子逐東門氏成二年
與季文子等帥師會晉師敗齊於鞌四年卒

臧武仲名紇宣叔庶子穆姜立之爲卿一稱臧紇短小多智
時號聖人成十八年對季文子問師數襄四年救郕
敗於狐駘國人作歌譏之十四年如齊唁衛獻公十
七年齊侯伐魯使高厚圍之於防臧疇等帥甲宵犯
齊師送之於旅松二十一年對季武子論諸盜二十
二年如晉遇甯御叔譏之二十三年爲季武子廢長

立幼公鉏與孟氏謀卒激武子怒攻之據防以叛請
立嗣而後奔齊昭十年在齊猶有論魯語上距宣叔
沒年已五十六年矣

臧賈 宣叔長子婦女所生襄十六年與聊叔紇臧疇同犯
齊師武仲奔防以大蔡歸之使之請立賈使臧爲代
請爲遂自請

臧疇 武仲昆弟襄十七年送武仲於旅松

臧堅 武仲族襄十七年齊師圍防被獲死之

臧爲 賈母弟襄二十三年嗣武仲爲卿

臧昭伯爲子昭二十五年從公出亡

臧會

昭伯從弟昭伯出季平子立之

案此人當是臧賈

子玩傳文自見

母弟叔孫昭伯弟名不傳見昭二十五年

臧賈如會子哀八年如齊涖盟

臧石 賈如子哀二十四年會晉師伐齊

臧氏老昭伯家臣見昭二十五年 案臧孫家臣止此一人

名亦失傳附記於此

仲孫氏

慶父證其字仲其孫以王父字爲氏故稱仲孫氏時

人以其爲庶長故又稱孟孫

共仲 詳見前註

孟穆伯名敖共仲子一稱公孫敖共仲自緡僖公立之僖十五年救徐文七年爲從弟襄仲逆嬖於莒而自娶焉仲欲攻之爲叔仲惠伯所和明年從己氏奔莒文伯請而復之越三年盡室而行復奔莒十四年惠叔又請復之將來卒於齊明年其喪自齊歸

文伯 名穀穆伯長子文元年周史叔服相其豐下有後魯

國及穆伯奔莒魯人立之請復其父有疾請立其弟難十四年卒 案淫如穆伯而二子皆孝亦奇矣然非有孝子幾無葬身之地矣吁可懼哉

惠叔 名難文伯弟文元年叔服相其能葬父文伯請而立之穆伯卒於齊不能歸固請於君始得歸葬

已氏子穆伯奔莒女所生穆伯卒歸魯獻子愛之爲或人所誘二人皆禦寇而死見文十五年

孟獻子名蔑文伯子文伯舍之而立惠叔惠叔卒立之文十五年見傳宣九年聘於周定王以爲有禮厚賄之成十三年從君朝王王復重賄之叔孫僂如疾其賢欲與晉郤氏謀去之而卒不能喪十一年作三軍十九年卒敬君睦鄰賢名四達三桓中第一流人也

獻子見名失載見襄十五年傳文吾兄爲之句故附錄之

孟莊子名速獻子子一稱孟孺子速襄十六年齊侯圍成速
微齊師齊侯避之十九年嗣父爲卿二十年會莒子
盟於向又伐邾二十三年卒

孺子秩莊子長庶子襄二十三年季公鉏立孝伯出奔邾

孟孝伯名弼莊子庶子季公鉏立之襄二十四年侵齊二十
八年如晉二十九年會諸侯之大夫爲晉悼夫人城
杞三十一年與穆叔言其語更偷穆叔斷其將死是
秋卒

孟僖子名纘孝伯子昭七年從公如楚不能相禮九年聘於
齊十一年會邾子盟於祿禚臬邱人二女奔之後生

懿子與敬叔因已不能相禮使二子從學於孔子孔子稱其能補過亦孟氏中賢大夫也二十四年卒

孟懿子名何忌僖子長子昭二十五年黨季平子出君二十

七年與陽虎伐公於郕三十二年會諸侯大夫城成周定三年盟邾子於拔六年陽虎強使之如晉報聘八年陽虎作亂欲殺季桓子而代孟氏成宰公斂處父與懿子謀備之遂敗陽氏虎出奔十三年三家因家臣強盛作亂謀墮三都叔季二家皆墮其私邑懿子聽公斂處父言竟不墮成哀二年與叔季二家伐邾十一年齊伐魯懿子本不欲與聞冉求言愧而蒐

乘以敗齊師十四年卒雖從事聖門未嘗聞道有愧於乃父多矣

南宮敬叔名說懿子同產弟居南宮故稱以爲氏哀三年桓僖宮災命周人出御書典籍賴之以存

孟武伯名詵懿子子一稱孟孺子洩哀十一年帥右師禦齊敗績十五年成叛附齊伐之不克十七年相公會齊侯二十五年公歸至越與季康子逆於五梧惡郭重而譏其肥二十七年公以死問之卒不對與叔季兩家同專國政君臣益多問矣卒在春秋後

孟公綽襄二十五年論齊崔杼將弑君案此人當是孟氏

族人附記於此

公期 孟氏支子見哀八年

孟之側 孟氏族哀十一年與齊戰敗殿後不伐孔子稱之

叔孫氏

叔牙謚僖字叔其孫以王父字爲氏故稱叔孫氏

僖叔 詳見前註

叔孫戴伯名茲僖叔子一稱公孫茲季友酖其父立之僖四年

會諸侯侵陳五年娶于牟十六年卒

叔孫莊叔名得臣戴伯子文元年如周拜謝賜命三年會諸侯

伐沈又從公如晉九年如周葬襄王十一年敗長狄

於鹹獲狄三人以名其子十八年與襄仲同如齊宣

五年卒

叔孫宣伯名僑如莊叔長子成二年與季文子等帥師會晉師
敗齊於鞌五年偃晉荀首於穀八年會晉士燮伐鄭
十四年如齊爲公逆夫人十五年與諸侯大夫會吳
於鍾離通於成公母穆姜欲逐季孟兩家不遂其謀
十六年奔齊又通於靈公母聲孟子已而懼罪奔衛
案襄公三十年傳狄伐魯莊叔敗狄於鹹獲長狄僑
如及虺也豹也而皆以名其子則虺當是宣伯之弟
穆叔之兄雖未見傳附錄於此以備莊叔諸子之數

虺

叔孫穆子名豹莊叔季子宣伯弟一稱穆叔成十六年子叔聲伯使之請道於晉師既而聞魯人討宣伯懼罪奔齊及宣伯出奔魯人召而立之襄二年聘於宋四年聘於晉晉人歌詩有誤不拜七年衛孫林父來聘穆子相因其僭禮譏其必亡十一年季武子欲作三軍恐其復舍盟詛而後從之十四年會諸侯大夫伐秦賦詩以諷晉叔向十六年聘於晉請伐齊二十三年齊伐晉帥師救之二十四年如晉賀克欒氏與范宣子論死而不朽冬聘於周天王嘉其有禮賜之大路二十七年會晉趙武楚屈建及諸大夫盟於宋二十九

年吳季札來聘說之三十年會諸大夫於澶淵謀歸
宋財既而不果明年歸自會論晉趙武與孟孝伯語
倫皆將死昭元年會晉趙武等於虢季武子伐莒莒
告於會微晉趙孟知其賢將死於楚圍之手矣四年
田於邱薊得疾爲豎牛所制三日不食而卒案穆
子公忠爲國名重諸侯在三桓中常與孟獻子媲美
惟是庚宗一宿妖夢適符小豎弄權禍延二子若非
剛位之賢又幾於覆宗矣不能擇人禍必及子吳季
子之言猶信

孟丙

穆子娶齊女國姜所生豎牛譖而殺之見昭四年

仲王 孟丙母弟穆子疾豎牛譖而逐之奔齊穆子卒還昭
五年牛與季氏共殺之

孟仲之子名不傳殺豎牛於途見昭五年附錄於此

叔孫昭子名婁穆子庶子豎牛殺孟仲二人立之昭五年卒能
逐牛以安其室是年季武子舍中軍四公公室七年

齊蒞盟九年季平子築郎圖欲速成諫而止之二
十一年以三命爲政二十三年如晉被執明年禮而
歸之二十五年春聘於宋論樂大心必亡已而宋公
享之與宋公語相泣樂祁論其將死秋昭公逐季平
子不克孫於齊昭子從君於齊謀納公不遂其志所

死而卒 案昭子處困能享綽有父風而乃心公室
尤見忠貞三桓中不可多得之人不獨逐豎牛一事
見美於聖人也

叔孫成子名不敗昭子子定元年逆昭公之喪於乾侯黨於季
氏有愧其父多矣五年卒

叔孫武叔名州仇成子子定八年陽虎作亂劫公與武叔以伐
孟氏十年侯犯據郕以叛武叔與孟懿子以齊師圍
郕犯奔齊冬聘於齊謝師十二年墮郕哀二年與季
桓子伐邾十二年吳爲魯伐齊敗之艾陵賜武叔甲
劍鉞卒年未詳 案武叔與季氏皆因家臣作亂有

害於已名墮私邑並非欲張公室其黨惡季孫共專
國政穆昭可作當不樂有此孫曾至於毀謗聖人得
罪名教又季康孟武輩不若矣

叔孫文子名舒武叔子哀二十六年會越人納衛出公明年與
季孟二子從越人盟卒在春秋後

叔孫輒字子張叔孫庶子定八年從陽虎作亂不勝與公山
不狃以費叛十二年皆奔齊自齊奔吳哀八年又勸
吳伐魯 或謂輒當是成子庶子存參

公若藐叔孫族不欲成子立武叔定十年武叔殺之

季孫氏

季友諡成字季其孫以王父字爲氏故稱季孫氏一
稱季氏與孟孫叔孫皆出自桓公故又稱三桓

成季

詳見前註

季文子名行父成季孫其父無佚早卒嗣祖爲卿文六年聘
於陳娶婦又聘於晉聞晉侯疾求遭喪之禮以行十
五年因齊侯無禮論其不免十六年代公會齊侯于
陽穀宣元年宣公篡立如齊納賂十八年宣公卒與
臧宣叔謀逐東門氏遂得魯政成二年與臧宣叔叔
孫宣伯子叔聲伯帥師會晉郤克敗齊於鞏四年成
公朝於晉因晉侯不敬論其不免既而成公欲叛晉

諫而止之六年以鞏之功立武宮冬如晉賀遷九年
如宋致女十一年報聘於晉十六年叔孫宣伯謀去
之請於晉被執公使聲伯請而復之襄五年卒 案
文子歷相三君見傳五十四年當時稱其忠於公室
然茂主擅權私家寢盛終不得爲純臣也 案國語
注文子成季之孫齊仲無佚之子今考無佚雖不見
於傳然以孟叔兩家皆再傳稱公孫三傳始稱氏之
例推之知文子之稱季孫必爲成季之孫無疑矣
季武子名宿文子子襄六年如晉七年城費私室曰強八年
會諸大夫于邢邱九年報聘于晉冬從晉伐鄭十一

年作三軍與仲叔兩家三分公室十二年莒人伐魯
閔台武子救台入郕取其鐘以爲公盤十四年會諸
大夫於向十九年如晉拜師既而以得齊之兵作林
鍾而銘魯功二十一年邾庶其以地奔魯以公姑姊
嫁之二十三年以私憾逐臧武仲二十九年因襄公
在楚取卞以自益昭元年叔孫豹會晉楚諸大夫于
鍾武子伐莒取鄆莒告於會叔孫幾爲楚所害五年
舍中軍四分公室季氏取二六年如晉拜莒田晉享
禮有加邈因辭晉人重其知禮七年冬卒 案武子
廢長立幼家政已非而欺君肆惡專政擅權種種不

法較其父爲尤甚宜乎一傳而有逐君之事也

季悼子名紇武子庶子聽臧武仲言廢公彌而立之早卒見

襄二十三年

季平子名意如悼子子嗣祖爲卿昭九年築郎囿欲其速成

十二年南蒯作亂以費畔十三年會于平邱爲晉所

執十四年釋之南蒯奔齊齊人歸費十六年如晉葬

晉昭公二十五年叔孫昭子聘于宋爲之逆宋元公

女秋昭公與臧孫等謀逐之不克公孫于齊齊晉之

君屢欲納公其臣皆受平子賄終不克納攝君事者

八年及昭公卒舍太子公衍而立定公又葬昭公於

墓道南茂主之罪至是而極定五年卒未幾其子斯
見囚於家臣強極必衰報應之理固不可誣也

季桓子名斯平子子定五年爲家臣陽虎所囚六年如晉獻
鄭俘八年陽虎作亂謀殺之不克虎奔齊十年任孔
子爲司寇夾谷之會齊歸侵地十二年用仲由爲宰
墮費哀三年桓僖宮災桓子御公立於象魏之外以
救火是秋卒 案桓子能用聖人三月大治較之鄭
子皮之授子產尤爲得人使不受女樂之餽則文武
周公之道可復興於宗邦而春秋之局必不至變爲
戰國也嗚呼悲哉

季康子名肥桓子長庶子哀三年殺南孺子之子自立七年
伐邾執邾子以歸八年吳爲邾伐魯十一年齊伐魯
用冉求爲宰以禦之冬以幣召孔子於衛旣而不聽
孔子言用田賦二十三年宋景公夫人卒使冉求往
弔二十七年卒案魯自平子逐君定哀兩世君弱
臣強季氏固世濟其惡仲叔亦朋比爲姦遂至君臣
相惡上下離心哀公孫邾而後魯國遂不可爲也悲
夫

南孺子男桓子遺腹子康子殺之見哀三年

季氏族

案季氏族人較仲叔兩家爲繁故另列之

公彌

一稱公鉏武子長庶子襄二十三年武子從臧紇言廢之爲公左宰旋立孟孝伯以警臧氏

季公鳥

一稱公鳥武子庶子娶齊鮑文子女生子申而卒其妻通於襄人檀

申

公鳥子

季公亥

一稱公若公鳥弟鮑嬖譖於季平子乃與公爲謀逐李氏不克從昭公出亡

公思展季氏族與公若共相公鳥之室鮑嬖譖而殺之

公甫

平子弟

公之亦平子弟昭公攻季氏殺之已上六人俱見昭二

十五年

公父文伯魯歿桓子從父兄弟定五年陽虎逐之奔齊後復還

哀三年桓僖宮災命校人駕乘車

公何藐季氏族定五年陽虎殺之

季寤字子言桓子弟定八年與陽虎作亂謀代季氏不克

而出奔

公鉏極公彌會孫同季寤作亂不克而出

季魴侯桓子弟康子叔父通於康子之妹齊悼公夫人見哀

八年

東門氏

出自莊公襄仲居東門時人稱之故以爲氏其後歸父之後又以子家爲氏

襄仲

襄說仲字詳見前註

公孫歸父字子家襄仲子宣十年伐邾又聘於齊十四年會齊頃公于穀晏桓子論其將亡旣而與宣公謀欲以晉人去三桓十三年聘于晉而公卒季文子等共逐之奔齊

仲嬰齊襄仲次子子家弟仲其字也季氏逐子家旣而立嬰齊以紹襄仲之後成十五年卒因其字仲故稱仲嬰

齊其子孫無一人再見於傳杜氏以爲別稱仲氏者

謬

子家懿伯名囂一稱子家子昭二十五年諫公逐季氏不聽從
公出亡者八年委曲匡救謀復君而卒不克及公薨
喪歸季孫欲與之執政遂逃去不知所終其忠臣而
兼高人者也 案杜氏止注莊公元孫未詳其祖父
然以稱子家氏斷之當是歸父之孫惜乎傳無明文
也附記於此以質世之好學深思者

叔氏

出自文公叔肸孫以王父字爲氏故稱叔氏一稱子

叔

叔盼

詳見前註

公孫黑齊叔盼子一稱聲伯一稱子叔嬰齊成二年與季文子等會晉師敗齊於鞏六年如晉八年如莒迎婦十六年季文子被執請於晉而免之十七年卒於貍脰

叔老

聲伯子一稱子叔齊子襄十四年從季武子會諸大夫會吳于向三十年聘于齊二十二年卒

叔弓

齊子子一稱敬子襄三十年如宋葬共姬昭元年帥師圍郕田二年聘晉辭郊勞與客館叔向稱其知禮三年如滕葬成公五年敗莒師于婁泉六年聘于楚

武年如晉賀虎祁九年及宋鄭大夫會楚靈子陳十
一年如宋葬平公十三年帥師圍費敗績十五年禘
于武公叔弓泄事篇入而卒

叔輒 敬子子一稱伯張昭二十一年哭日食未幾卒

叔鞅 敬子次子輒弟昭二十二年如周葬景王明年卒

叔詣 叔鞅子一稱子叔鞅昭二十五年會諸大夫于黃父

二十九年卒

叔還 叔弓會孫以兄傳次第考之當是叔詣子杜注叔詣

曾孫謬定十一年如鄭泄盟哀五年如齊六年會吳
于柎十四年卒

叔青 叔還子哀十九年如周葬敬王二十三年如越卒在

春秋後

子服氏

出自桓公孟獻子之後也

懿伯

子服椒叔父當是孟獻子庶子 案昭二年傳叔弓

如滕子服椒爲介及郊遇懿伯之忌杜注懿伯椒之

叔父固知當是孟獻子之子也先載於此

子服惠伯名椒一名湫一稱孟椒孟獻子孫其父無考襄二十

三年臧武仲奔齊魯人盟惡臣椒以犯門斬闕定其

罪二十八年從公如楚昭十三年晉執季孫意如從

之類晉 案陳氏世族譜引魯語謂椒之父爲子服
佗一種孝伯傳無明文未敢妄列也附錄於此

子服昭伯名回惠伯子昭十六年從公如晉歸而論晉公室將
車季平子服其言而證之二十三年晉執叔孫婼從
之如晉

子服景伯名何昭伯子哀三年桓僖宮災論救火七年鄆之會
對吳徵百牢季康子欲伐邾邾諸大夫謀之景伯諫
不聽八年吳伐魯季孟等不聽其言受吳盟被辱十
二年因吳人欲辱衛侯使子貢見吳太宰嚭說而舍
之十三年黃池之會爲吳人所執旣而釋之 案子

服氏三世世濟其美不惟季叔權臣無能爲役卽同
祖如孟氏亦非懿武輩所敢並論也國有人焉臧孫
紇之言猶信

叔仲氏

出自桓公叔孫戴伯之後也

叔仲惠伯名彭生叔牙孫當是戴伯子莊叔弟故稱叔仲氏文
七年孟穆伯與襄仲爭室屢和之十八年文公卒襄
仲欲立宣公不從爲襄仲所殺其宰公冉務人奉其
帑奔蔡既而復立其後

叔仲昭伯名帶惠伯孫一稱昭子又稱叔仲子襄七年請季氏

城費二十八年從公如楚三十一年公薨竊公之拱
璽爲魯人所惡昭五年黨豎牛爲亂於叔孫氏真小
人之尤者

叔仲穆子名小昭伯子一稱叔仲子昭十二年與南蒯子仲謀
季氏不克二子出奔幾爲平子所逐

叔仲志小之子定八年與陽虎等謀三桓不克自是當益不
得志於魯矣

展氏

出自孝公無駭公子展之孫以王父字爲氏隱八年
賜爲展氏

夷伯 夷謚伯字卽公子展當是孝公子無駭之祖父也僖
十五年雷震其廟先列於此 案世族譜分公子展
與夷伯爲二人誤

無駭 公子展孫隱二年入極爲魯大夫專兵之始八年卒
展禽 無駭後卽柳下惠也世次無考或曰無駭孫僖二十
六年展喜犒齊師受命於禽

展喜 禽弟或曰禽子僖二十六年公使之犒齊師

展莊叔世次無考襄二十八年齊慶封奔魯譏其車美必亡
明年晉范鞅聘魯莊叔執幣

展瑕

展玉父襄二十九年晉士鞅聘魯瑕與玉父爲一耦 案二
人當是莊叔家臣觀傳文公臣不足取於家臣語自
見附記於此

施氏

出自惠公

施父 譏曹太子見桓九年

施孝叔惠公五世孫當是施父後子叔聲伯妻之以外妹旣
而奪之以與晉卻棼見成十一年

匡句須孝叔家臣見成十七年 案施氏家臣止此一人附
錄於此

申氏

已下諸族均未詳所出

申縞

桓六年對問名十八年諫如齊桓公不聽其言卒以

取禍

申豐

襄二十三年諫季武子廢長立幼昭四年對甯雹二

十三年以貨如晉求免叔孫昭子

申須

論星字見昭十七年

申夜姑季公烏臣公烏婁譖於季氏殺之見昭二十五年

申句須定十二年孔子使與樂頎收費人

秦氏

秦子 莊九年與梁子爲莊公御及戎右皆爲齊獲

秦重父襄十年圖偃陽以勇著孟獻子以爲戎右

秦丕茲莫父子後事孔子見襄十年

秦周 襄十八年圖齊伐雍門之萩

秦遙 季公鳥妹壻平子姑壻也見昭二十五年定五年陽

虎逐之奔齊

富父氏

富父終甥文十一年佐叔孫莊叔敗狄駟乘者

富父槐桓僖宮災救火見哀三年

顏氏

顏莊叔襄二十九年士鞅聘魯與公巫召伯仲爲一耜

顏鳴 昭二十六年黨季氏與齊戰

顏高 勇士其弓六鈞定八年從公侵齊爲齊人子鉏所擊

既仆且射殺子鉏

顏息 亦勇士定八年從公侵齊

卜人

掌卜之官類聚之太史仿此

卜士 失名桓六年子同生卜士負之

卜筮 閔二年爲共仲弑君

卜筮之名不傳占成季者見閔二年

夷 如不及齊

卜楚邱文宣時曾爲叔孫莊叔占叔孫豹文十八年占齊師
知公與叔仲惠伯及齊君皆將死其術亦神矣 陳
氏世族譜補鈔重名卷內謂魯有三卜楚邱一見閔
二年一見文十八年一見昭五年閔之駭然細繹傳
文實屬一人非三人也案閔二年傳云成季將生桓
公使卜楚邱之父卜之文十八年傳云公聞齊將伐
魯卜之惠伯令龜卜楚邱占之昭五年傳云叔孫穆
子初生莊叔以周易筮之卜楚邱曰是將行云云今
據前後傳文考之楚邱父子世爲卜官其父掌卜當
在桓莊時卜楚邱掌卜則當在僖文宣之時文十八

年爲公占者爲卜楚邱正文閔二年傳乃因其父名
不傳以卜楚邱繫之傳中以子繫父以父繫子之類
甚多非閔二年卽有一卜楚邱也成季生年雖不可
考然季爲莊公母弟以莊公之生推之當在桓公十
年前後故卜楚邱之父卜之而非卜楚邱卜之也至
昭五年傳乃因叔孫穆子死於豎牛追敘其初生時
莊叔與卜楚邱論占之語案文十一年莊叔敗長狄
獲僑如虺豹皆以名其子宣五年莊叔卒穆子生年
雖不可考然以敗狄之年至莊叔卒時計之共十三
年穆子兄弟三人次第而生總在此十三年中莊叔

生豹與卜楚邱占易當在此時與文十八年爲公占
齊師年代正合是昭五年之卜楚邱卽文十八年之
卜楚邱亦卽閔二年之卜楚邱何得徑分之爲三人
耶傳文具在歷歷可考願與細心讀書者共參之

大史

大史克文十八年季文子使對宣公

外史 掌惡臣之官見襄二十三年

祝史 與太史皆失名並見昭十七年

大史

大史固哀十一年歸齊國子之元

諸大夫

費伯

名本父費采邑伯字隱元年城郛案費邑食采初無專屬自僖元年賜成季始專屬之季氏矣

眾仲

隱四年對州吁弑君五年對羽數八年對齊使又對諡族蓋亦魯之博物者

挾

隱九年卒未賜氏

寫氏

隱十一年羽父弑公子其家

柔

未賜氏桓十一年會諸侯盟于折

溺

未賜氏莊三年會齊師伐衛

巢子

見前秦子注

曹劇 莊十年佐戰敗齊師二十三年諫公如齊觀社

欽孫 莊公戎右生搏宋長萬者見莊十一年

御孫 莊二十四年諫越禮

黨氏 共仲弑子般於其家 哀十一年黨氏之溝卽此

梁氏 講於梁氏

鍼季 卽鍼巫氏季友使酖叔牙 已上三人俱見莊三十

二年

公傅 失名閔公之傅曾奪卜齋田見閔二年

夏父死忘文二年爲宗伯作逆祀

行人 失名見文四年

侯叔夏文十一年莊叔御戎

縣房甥莊叔戎右

禽鄭 成二年自師逆公

耶叔紇 一稱耶人紇孔子父耶邑大夫襄十年圍偃陽以勇
聞十七年宵犯齊師送賊武仲

厚成叔名瘡 一稱厚孫襄十四年如衛弔出君 案世族譜
謂厚一作邱出孝公杜注未詳未敢遽信附記於此
御叔 襄二十二年譏武仲雨行

閔子馬 一稱閔馬父襄三十三年季公鉏被廢教之以正其
後斷原伯魯王子朝具有見微知著之識

梓慎

魯衛士襄二十八年論宋鄭將饑

榮成伯名駕魯襄二十八年從公如楚定元年季平子欲薄

葬昭公議惡謚俱力止之可稱庸中矯矯者

盆召裨襄二十九年晉士鞅聘魯與顏莊叔爲射耦者

鄆鼓父

黨叔 已上二人爲一耦見襄二十九年

萊書 公御士見昭四年

司鐸射昭十三年晉執季平子以水飲之

師已 昭二十五年論鸛鵒來巢

邱昭伯 一稱邱孫與昭公謀逐季氏爲季氏所殺 案世族

譜謂是厚成叔子孝公八世孫杜注未及未敢遽信也

左師展從昭公出亡

郈魋假郈邑大夫 已上三人皆見昭二十五年

洩聲子一稱野洩與林雍皆季氏黨並見昭二十六年

林雍

茲無還定十年會夾谷孔子使對齊人

樂頎 見前申句須注

共釗 哀三年視南孺子男者

王犯 吳人奔魯嘗爲武城宰

游擊與王犯相善

公賓庚與下二人同車俱爲吳所獲

公甲叔子

析朱鉏

微虎 欲宵攻吳王聚勇士三百人 已上六人皆見哀八

年

林不狝勇士哀十年死於郊戰

阮氏 哀十四年葬司馬牛

公孫有民 一稱有陘氏哀十三年吳申叔儀問之乞糧

宗人豐夏宗人禮官豐夏名哀二十四年以正對公問者

聖賢師弟

孔子仕魯分屬臣僚然儕於卿大夫中非所以尊聖人也門弟子自秦茲不南宮敬叔外見傳者凡七人或仕或不或爲巨族家臣分隸各類亦屬不倫今於諸大夫外另列聖賢師弟庶於論次魯臣之中仍不失尊奉聖門之意云爾

孔子

其先宋人防叔避華氏之亂奔魯父耶叔紇爲郕邑大夫以勇聞昭七年傳孟僖子問其有聖德使二子說與何忌事之定十年相定公會夾谷反齊侵地時爲司寇十三年墮三都收其甲其後去魯周流列國

哀十一年季康子以幣召之於衛乃歸魯使冉有問田賦以爲不可康子不聽遂不仕作春秋絕筆於哀十四年丙狩獲麟十六年卒哀公諒之 案聖人事蹟甚繁茲就見於傳者記其大略如此

琴張

孔子弟子昭二十年欲往衛弔宗魯

仲由

孔子弟子定十二年爲季氏宰墮費哀十四年小邾射以邑奔魯欲其要言而不可後適衛爲孔悝宰十

五年死於蒯聵之難一稱季路一稱子路一稱季子

子貢

孔子弟子定十五年斷魯邾兩君死亾皆如其言哀七年爲季康子辭吳十三年說吳宰嚭免衛侯十五

年說陳成子歸成於魯十六年譏哀公誅孔子後適
衛二十六年季康子恥與越盟欲召之不果一稱子
穀一稱衛賜

有若 孔子弟子哀八年吳伐魯微虎聚勇士三百人以攻
吳王有若從之

冉求 孔子弟子爲季氏宰哀十一年帥空師敗齊於郊爲
季孫訪田賦於孔子二十三年季孫使如宋弔喪一
稱有子一稱冉有

樊遲 名須孔子弟子哀十一年爲冉求戎右

子羔 孔子弟子仕衛哀十五年奔魯十七年對孟武伯問

牛耳一稱高柴一稱季羔

諸小臣

國人牽絙三十二年爲其仲弑子般

重館人僖三十年說城文仲如晉遷行果得分地惜失其名

匠慶 大匠襄四年請厚葬定公

狄虺彌勇士襄十年圍偃陽以勇聞

僚祖 昭公寺人見昭二十五年

冉猛 戰士

會 猛兄 二人並見定八年

汪錡 公爲嬖僮哀十一年從公爲戰死

郭重

哀公僕見哀二十五年

仲孫家臣

豐點

孟孫之御襄二十三年與公鉏共立孟孝伯

謝息

成宰見昭七年

大夫

昭七年傳孟僖子將死召其大夫惜不載其名

公孫朝成大夫見昭二十六年

公斂處父名陽成宰定七年御孟懿子八年敗陽虎十二年三

桓共議墮三都處父抗命竟不墮成

顏羽

一稱子羽哀十一年爲武伯御

邴洩

爲武伯戎右

公孫宿一名成成宰哀十四年以成叛附於齊

叔孫家臣

公冉務人叔仲惠伯宰文十八年惠伯不聽其言爲襄仲所殺
遂奉其帑奔蔡

梁其經昭元年會甄從穆叔於會二十三年昭子爲晉所執
又從之

曾阜 見昭元年

杜洩 昭五年厚葬穆叔而行

豎牛 庚宗婦人所生穆叔寵之卒殺穆叔二子孟丙仲壬
而立昭子昭子逐之爲孟仲之子所殺見昭五年

驪戾 家司馬昭二十五年助季平子作亂

公南 馬正見定十年

侯犯 爲武叔殺公若藐不果以郈叛武叔討之奔齊

駟赤 郈工正以計誘侯犯出奔

鉏商 叔孫車子哀十四年獲麟

季孫家臣

南遺 費宰襄七年城費昭四年助豎牛爲亂

公冶 襄二十九年季氏使問公於楚且告取卞

會天 昭元年御季孫者

南蒯 遺子昭十二年謀季氏不克以費叛明年費人出之

奔齊

司徒老祁與盧癸出南蒯以費歸魯見昭十四年 案二人乃

季氏臣非南蒯臣也杜氏誤注不可從

盧癸

齊人植通於公鳥之妻見昭二十五年

女賈

與申豐同如齊貨子猶

冉豎

射齊陳武子 二人并見昭二十六年

陽虎

昭二十七年與孟懿子伐昭公子鄭定五年四季桓

子而專其政八年謀殺桓子不克竊寶玉大弓據謹

陽關以叛九年魯伐之奔齊自齊奔晉臣於趙氏

仲梁懷定五年陽虎逐之

公山不狃字子洩定五年爲費宰使陽虎逐仲懷梁八年與陽虎謀季氏不克以費叛十二年襲魯大敗奔齊自齊奔吳哀八年吳伐魯使之帥師故走險道猶有不怠宗國之心遠勝叔輒矣

苦夷 一稱苦越見定七年

陽州 苦夷子

林楚 蒲岡之役救季桓子

陽越 虎從弟助虎作亂被殺 已上三人并見定八年

正常 哀三年奔衛

晉周父哀年一年爲冉求御

補遺

治區夫昭十三年與季平子論伐費